

Broj: 02-04-5596/20  
Sarajevo, 16.10.2020. godine

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE BIH  
DOM NARODA  
N/r Sekretara

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
SARAJEVO

Primljeno: 29-10-2020			
Org. jed.	Broj	Priloga	Vrijednost
05/2	-02-	199	20

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE BIH  
DOM NARODA  
N/r gosp. Boris Krešić, izaslanik

**PREDMET: Odgovor na izaslaničko pitanje – dostavlja se**

Veza: Akt Sekretara Doma naroda Parlamenta Federacije BiH broj:05/2-02-199/20 od 06.10.2020.godine

Poštovana/i,

Federalno ministarstvo zdravstva zaprimilo je akt Sekretara Doma naroda Parlamenta Federacije BiH broj: 05/2-02-199/20 od 06.10.2020. godine, sa izaslaničkim pitanjima na koje se traži odgovor. Naime, gospodin Boris Krešić, uvaženi izaslanik u Domu Naroda Parlamenta Federacije Bosne i Hercegovine, na 7. Sjednici Doma naroda Parlamenta Federacije BiH, održanoj 01.10.2020. godine, postavio je pitanja iz oblasti zdravstva. S tim u svezi, u privitku akta dostavljamo Vam odgovor Federalnog ministarstva zdravstva.

S poštovanjem,



**MINISTAR**

**Prof. dr. Vjekoslav Mandić**

**PRILOG:**  
- Kao u tekstu

**ODGOVOR  
NA IZASLANIČKO PITANJE BORISA KREŠIĆA  
IZASLANIKA U DOMU NARODA  
PARLAMENTA FEDERACIJE BOSNE I HERCEGOVINE**

---

Sarajevo, listopad 2020. godine

## I

**Boris Krešić**, izaslanik u Domu naroda Parlamenta Federacije Bosne i Hercegovine, na 7. Sjednici Doma naroda Parlamenta Federacije BiH, održanoj 01.10.2020. godine, uzimajući u obzir presudu Ustavnog suda Federacije BiH broj: U-61/17, od 20.01.2020.godine, postavio je sljedeća pitanja:

„Da li je Federalno ministarstvo zdravstva uputilo akt svim kantonalnim ministarstvima zdravstva da „se djetetom smatra svaka osoba rođenja do punoljetstva, kao i da su mu pružena ista prava zdravstvenog osiguranja i zdravstvene zaštite kao zdravstveno osiguranoj djeci, bez obzira na njihov status i činjenicu da li su učenici osnovnih škola. Da li postoji mogućnost da se što hitnije uputi dopis svim kantonalnim ministarstvima zdravstva da se, u onim kantonima u kojima to nije slučaj, odnosno u kojima je došlo do pogrešnog tumačenja zakona od strane stručnih lica, npr. Sarajevski i Tuzlanski kanton, da sva djeca moraju biti zdravstveno osigurana bez obzira na njihov status“.

## II

Na postavljena delegatska pitanja Federalno ministarstvo zdravstva daje sljedeći

### ODGOVOR

Notifikacijom o sukcesiji 23.11.1993. godine, Bosna i Hercegovina je preuzela UN Konvenciju o pravima djeteta u svoj pravni poredak čime je prihvatila obvezu usklađivanja svog zakonodavstva sa odredbama spomenute Konvencije. Napominjemo da su međunarodni dokumenti koje je ratificirala Bosna i Hercegovina dio pravog sustava naše zemlje.

Ističemo da je u spomenutoj Konvenciji u članku 1. definirano da je svaka osoba mlađa od 18. godina dijete.

Slijedom navedene definicije iz Konvencije o pravima djeteta, u članku 26. stavak 2. Zakona o zdravstvenoj zaštiti ("Službene novine Federacije BiH", br. 46/10 i 75/13); pod djetetom se smatra svaka osoba od rođenja do navršanih 18 godina života.

Nadalje, slijedom obveza utvrđenih navedenom Konvencijom, a koje se odnose na prava djeteta na dostupnu zdravstvenu zaštitu, izvršene su i izmjene i dopune Zakona o zdravstvenom osiguranju („Službene novine Federacije BiH“, br. 30/97, 7/02, 70/08, 48/11 i 36/18).

Naime, izmjenama i dopunama citiranog Zakona, tačnije člankom 19. i člankom 20. utvrđeno je pravo svoj djeci do 18 godina na obvezno zdravstveno osiguranje.

Člankom 19. Zakona taksativno su nabrojani osiguranici odnosno lica koja imaju pravo na obvezno zdravstveno osiguranje. Točke 13. i 13a. spomenutog članka odnose se na prava djece na obvezno zdravstveno osiguranje i to u točki 13. utvrđeno je da djeca koja su navršila 15 godina života, odnosno stariji maloljetnici do 18 godina života, a nisu završili osnovno školovanje ili se po završetku osnovnog školovanja nisu zaposlili, ako su se prijavili zavodu za zapošljavanje imaju pravo na obvezno zdravstveno osiguranje.

Nadalje, pod točkom 13a. utvrđeno je da djeca od rođenja, kao i djeca za vrijeme redovnog školovanja u osnovnim i srednjim školama, odnosno studiranja na višim i visokim školama, te fakultetima, koja su državljani Bosne i Hercegovine sa prebivalištem na teritoriji Federacije, a nisu zdravstveno osigurana kao članovi porodice osiguranika, ali najduže do navršene 26.godine života, također ostvaruju izvorno pravo na zdravstveno osiguranje.

Člankom 86. utvrđeni su taksativno obveznici obračunavanja i uplate doprinosa za obvezno zdravstveno osiguranje. Tako je u točki 7.a propisano da: tijelo uprave kantona mjerodavno za poslove socijalne i dječije zaštite je obveznik uplate doprinosa za djecu od rođenja do polaska u osnovnu školu koja nisu osigurana po drugoj osnovi, a u skladu sa članom 19. točka 13a. Zakona, a u točki 8. tijelo uprave kantona mjerodavno za obrazovanje - za učenike odnosno studente koji nisu osigurani po drugoj osnovi u skladu sa članom 19. točka 13a. Zakona, kao i za učenike odnosno studente koji vrše praktičan rad u vezi sa nastavom.

Imajući u vidu naprijed spomenuto, jasno je da se djetetom, a sukladno pozitivnim propisima smatra svaka osoba od rođenja do 18 godina, te da svako dijete ima pravo na obvezno zdravstveno osiguranje po nekom osnovu sukladno zakonu.

Ovom prilikom naglašavamo da s obzirom da je područje zdravstva sukladno Ustavu Federacije BiH u podijeljenim ovlastima između Federacije BiH i kantona, u izradi propisa iz oblasti zdravstva svi zakoni u postupku izrade se dostavljaju na konzultacije svim kantonima, sa obrazloženjem svih pravnih rješenja. Tako i u izradi naprijed navedenih propisa kantonalna ministarstva zdravstva, kantonalni zavodi zdravstvenog osiguranja, kao i svi drugi zainteresirani, tijekom konzultacija su bili upoznati sa svim rješenjima, imali mogućnost za davanje komentara i sugestije na određena rješenja.

Također, ovo ministarstvo je u više navrata upozoravalo zavode zdravstvenog osiguranja, nadležna ministarstva zdravstva na odredbe zakona, te davalo pravna tumačenja istih.

U skladu sa Zakonom o postupku pred Ustavnim sudom Federacije Bosne i Hercegovine („Službene novine Federacije BiH“, br.6/95 i 37/03), postupci pred Ustavnim sudom su javni i odluke se objavljuju javno, te je presuda broj: U-61/17, od 20.01.2020. godine objavljena u „Službenim novinama Federacije BiH“ broj 5/20, na službenoj stranici Ustavnog suda Federacije BiH kao i u službenim glasilima kantona.

Iz navedenog je jasno prizilazi da su sva kantonalna ministarstva zdravstva upoznata sa zakonskim rješenjima, te ne vidimo potrebu ponovnog slanja dopisa u kome bismo tumačili zakon.